



ontario.ca/6ways

Giiniizonigaadewan gikino'amaagewining jidebinamowaaj mazina'iganan

Wegonen o'owe dinowi wiidokaagewin?

Miiowe gaagiioshki wawenachikaadeg giiniizochigaadewan gikino'amaagowining jidebinamowaaj mazina'iganan gaa'izhinikaadeg, ogoweniwag idash aay skool gikino'amawaganag ogagii'onji gaachidinaanaawaa aanind giizhi'gikino'amaagowi mazina'iganan giishpin odaapinamowaaj bebakaan anokiwi gikino'amaagowinan gaye gichi gikino'amagowinensan, mii'omaa dash gegii'anoonji maawajitoowaapan biinish ji'ani debinamowaaj aay skool gaye iimaa gichi gikino'amagowining, gichi'anokiwi giizhigikino'amagowi mazina'igani gemaa egiigiizhitooj anokiwi gikino'amagowi mazina'iganensini.

Wegonen gaagii'oshkisemagakin?

Baatiinowag gaagikino'amage abiiamaagewaaj o'omaa Ontario obikagwejitonaawaa o'weni giiniizhonigaadewan gikino'amagowining jidebinamowaaj mazina'iganan gaa'izhinikaadeg. Ogikino'amaageg gaye gikino'amagewinan gaa'onji bimi gikinoshkamaagewaaj gewiinawaa gaagii'ogwechitoowaaj o'weni gi'ikidowag ogoweniwag gikino'amawaganag nawaj e'onji gichiinendamowaaj gaabimi gikino'amawindwaa gaye nibiwaa e'onji bijini kikendamowaaj gaa'izhi bimi gikino'amawindwaa oweni gaagii'gigi'aabajichigaadenig gaagii'oshki maajichigaadeg gaaniizhochigaadegin gikino'amagowining jidebinamowaaj mazina'iganan gaa'izhinikaadeg.

O'owe oshki maajitaawin aazha giizhi onatewan jidago'aabadakin i'ima gaabaatiinakin gikino'amagewi abiiamaagewinan gaye gichi gikino'amaadiiwigamigoon. Miidash gaagii'inenjigaadeg gojibigo 1,142 gikino'amawaganag ji'odaapinamowaaj maamaw gaaniizidanashibezhikwakin gaa'wiikojichigaadekin gaagii'niizhochigaadegin gikino'amagowining jidebinamowaaj mazina'iganan gaa'izhinikaadeg miinawaa wedi gi'aniidagwaagik

Giishpin geyaabi wiinanaadokikendamanin onoweniwan wiidokaagewinan, ganoozh gikino'amagewigimaa gemaa gidaabinoojishim gaabimi gikino'amagoj gaa'onji wiijitwaaj gikino'amawaagan ge'onjigashkieewisij gaa'maamawi anokaadamowaaj. Gaye wiinanaadogikendaman gidabinoojishim gaadazhi gikino'amagosij inaabin biywaabikok: <http://www.edu.gov.on.ca/eng/sbinfo/>